

**COMMUNITY PARTICIPATION ACTION RESEARCH
FARMER'S ASSOCIATION**

Dolipos Bajo, Oroquieta City

BATAKANG BALAAD

PASIUNA

Kami mga myembro sa **COMMUNITY PARTICIPATORY ACTION RESEARCH FARMER'S ASSOCIATION** kinsa nga nagkahiusa ang among tinguha sa pagmugna ug usa ka kapunungan alang sa kauswagan o kalambuan ug pag-uswag kanamong mga sakop niini pinaagi sa panginabuhi, ubos sa kahayag sa atong Dios nga langitnon ug labing gamhanan, dinhi nagmugna ug balaodnon kinsa nagbutyag ning maong batakang balaod:

ARTIKULO I

NGALAN UG LUGAR SA KAPUNUNGAN

Section 1. Ang ngalan ning maong kapunungan mao ang **COMMUNITY PARTICIPATORY ACTION RESEARCH FARMER'S ASSOCIATION**.

Section 2. Ang dapit o lugar nga opisyal nga nahimutangan sa among kapunungan mao ang Dolipos Bajo Brgy. Hall, Oroquieta City.

ARTIKULO II

KATUYUAN

Section 1. Ang katuyuan sa kapunungan mao ang pagpanalipod ug pagpalambo sa kaayuhan, katungud ug komon nga interes alang sa tanang sakop sa kapunungan.

Section 2. Ang labi pang importanting katuyuan sa kapunungan mao ning musunod:

2.a. Ang pagplano ug pagmugna ug usa ka programa sa panginabuhi sa mga sakop niini pinaagi sa pagpananom ug utanon ug uban pa.

2.b. Ang pagdasig sa mga sakop sa kapunungan sa paghimo ug mga buluhaton nga mahimong makaayo sa iyang kinabuhi ug sa kadaghanan.

2.c. Ang pagtambayayong ug pagtinabangay alang sa kaayuhan ug kalambuan sa kapunungan.

2.d. Paghimo ug uban pang kalihukan nga may kalambigitan sa mga katuyuan sa paglambo ning maong kapunungan.

ARTIKULO III

PAGPASAKOP

Section 1. Ang pagpasakop ning maong kapunungan mahimo ni bisan kinsa nga mag-uuma ug lumolupyo sa Brgy. Dolipos Bajo, Talic, Dolipos Alto, Oroquieta City.

Section 2. Ang pagpasakop ning kapunungan mobayad sa PhP 100.00 isip membership fee.

Section 3. Ang pagpasakop ning maong kapunungan kinahanglan motoman sa lagda ug balaod nga gilatid sa organisasyon sa pagpasakop ug kinihanglan mobayad siya sa mga balayronon sa kapunungan.

ARTIKULO IV

KATUNGOD UG KATUNGODANAN SA MATAGSAKOP SA KAPUNUNGAN

Section 1. Katungod. Ang matag sakop sa kapunungan kinahanglan magpabilin isip maayong sakop sa aron siya makapahimulos ning maong mosunod nga katungod:

- i. paminawon ang iyang katungod o opinion sa mga butang nga may kalambigitan sa kapunungan
- ii. may katungod siya sa pagbotar sa butang nga ipresentar diha sa meeting o sa pagpili panahon sa eleksyon
- iii. makatagamtam siya sa tanang benepisyo nga alang sa sakop sa kapunungan.
- iv. may katungod sa pagpangayo sa impormasyon sa mga record, libro ug uban pa
- v. may katungod sa pagpili ug magpapili sa matag piniliay sa kapunungan

Section 2. Katungdanan. Ang matag sakop sa kapunungan adunay katungdanan ning mga musunod:

- i. pagtuman sa constitution and by-laws ug mga resolusyon nga gimugna sa Kapunungan ug uban pang pamalaod
- ii. pagpanalipod sa ngalan ug integredad sa kapunungan
- iii. pagpalambo ug pagsuportar sa interes ug katuyuan sa kapunungan
- iv. aktibo nga motambong ug mosalmot sa tanang meeting ug kalihukan sa Kapunungan
- v. pag atender sa gi schedule nga meeting
- vi. mobayad sa tanang balayronon ug amoton nga gikauyunan sa tanang sakop sa Kapunungan
 1. **Balayranan.** Pagbayad sa hulam nga abono o cash human sa ani: 4 months kon mais, 4months kon camote, 8 months alang sa cassava ug gabi
 2. Pagbayad sa silot sa dilator ug wala pagtambong sa binulan nga meeting ug pahina
 3. **Puli.** Kinahanglan dili moubos sa panuigon nga 18 years old
 4. **Interest.** Dunay diyes porsiento (10%) patong sa iyang balance sa hulam

ARTIKULO V

ASSEMBLIYA HENERAL

Section 1. Ang assemblya heneral mao ang pinakataas nga magbabalaod sa kapunungan ug ang tanang balaod, polisiya, ug mga plano nga aprobahan sa assemblya ginahanglan pagasundon sa tanang sakop sa kapunungan.

Section. 2. Ang assemblya heneral nagalangkob sa tanang sakop sa kapunungan.

ARTIKULO VI

OPISYALIS

Section 1. Ang mga sakop sa kapunungan magpili ning mga opisyalis nga mao ning mga musunod :

- i. usa (1) ka pangulo
- ii. usa (1) ka puli pangulo (vice president)
- iii. usa (1) secretaryo
- iv. usa (1) ka tresurero
- v. usa (1) ka auditor
- vi. duha (2) ka PIO

Section 2. Tulo (3) ka tuig ang termino sa matag opisyaless ug mahimong ma re-elect sa maong posisyon.

ARTIKULO VII

MGA BULOHATON SA MGA OPISYALIS

Section 1. PANGULO. Siya ang pangulong ehekutibo, mudumala sa matag tigum, morepresentar sa kapunungan, mopirma ug papeles sa kapunungan, mopatawag ug emergency meeting kong gikinahanglan ug tsirman sa tanang meeting.

Section 2. PULI-PANGULO. Siya mao ang mopuli sa buluhaton sa pangulo panahon nga wala ang pangulo.

Section 3. SECRETARYO. Siya ang tig kuha sa mga menutas sa tanang meeting sa kapunungan ug mopreparar sa mga resolution, pahibalo sa tanang meeting nga pagahimuon sa opisyalis , ug sa mga sakop sa kapunungan ug mohimo ngadto sa tanang buluhaton nga isugo sa mga opisyalis niini.

Section 4. TRESURERO. Siya ang tighipos sa mga kabtangan ug modiposito sa kwarta sa kapunungan ngadto sa bangko , mo record ug mga documento lakip na ang tanang bililhong butang sa kapunungan.

Section 5. AUDITOR. Ang auditor mao ang mo-ausit kon mosubay sa panalapi ug kabtangan sa kapunungan ug morekumendar sa pag-aprobar sa mga transaksyon sa kapunungan mahitungod sa resibo , panggastos ug paggawas sa kantidad ug bililhong butang sa kapunungan.

Section 6. PIO. Ang PIO mao ang mopahibalo sa mga membro kung adunay emergency meeting ug mga importantemg mga kalihukan.

ARTIKULO VIII

PANAGKATIGUM

Section 1. Ang binulan nga meeting sa matag miyembro pagahimuon matag primerong biernes (1st friday) sa matag bulan.

Section 2. Paghimuon nga quorum –Ang meeting pagahimuon nga quorum kon makakuha na ug mayorya sa mga sakop sa kapunungan labaw na sa katunga (50% + 1) ang gidaghanon sa sakop sa kapunungan ang mitambong , mao na kana ang quorum .

ARTIKULO IX
MONTHLY DUES/ PENALTY

Section 1. Kada miyembro magabayad ug Php 5.00 para sa monthly due.

Section 2. Si kinsa nga miyembro ang ma-late sa meeting pagasilutan ug P 25.00, sa dili maka-attend ug meeting pagasilutan ug Php 20.00 ug dili makaapil sa pahina pagasilutan ug P 150.00.

ARTIKULO X
PUNDO

Section 1. Ang mga musunod mamahimong dinhi magikan ang pundo sa assosasyon:

- 1.a monthly dues
- 1.b penalties kon silot
- 1.c financial assistance gikan sa nagkalain-laing ahensya
- 1.d capital inputs from NOMIARC
- 1.e ug uban pang legal nga paagi ka kapanguhaan ug pundo

ARTIKULO XI
ELEKSYON, REELEKSYON SA MGA OPISYALIS

Section 1. Ang pagpili sa mga opisyalis sa kapunungan pagahimuon maka usa sa matag 3-ka-tuig.

Section 2. Ang pamaagi sa pagpili sa mga opisyalis paga himuon sa sekreto nga balota. Mayoriya nga boto mao ang iproklamar nga mananaog sa maong piniliay.

Section 3. Ang napilian nga opisyalis molingkod sa katongdanan usa ka bulan human sa piniliay aron mahatagan ug panahon ang nangaging opisyalis sa pagturn-over sa tanang gipanag-iya sa kapunungan ngadto sa bag-ong napili.

Section 4. Bakante nga posisyon –Kon mobakante ang posisyon sa opisyalis, ang pangulo mopatawag dayon ug usa ka espesyal nga piniliay sa nakabakante nga posisyon ug ang manana-og molingkod lang sa terminong wala nahuman.

ARTIKULO XII
KAUSABAN

Section 1. Kon adunay kausaban nga pagahimuon niini nga constitution and by –laws, kini ipresentar sa Assembliya Heneral ug paga aprobahan sa 2/3 nga gidaghanon sa mga sakop sa kapunungan.

ARTIKULO XIII
EPEKTO

Section 1. Kini nga constitution and by-laws mopekto human mipirma ang mga sakop sa kapunungan niining ika-23 sa bulan Pebrero 2013 dinhi sa Brgy. Dolipos Bajo, Oroquieta City, Philippines.